

Script of Morning Gojri News Bulletin 03 July 2024 at 1015Hrs

مارننگ گو جری نیوز بلیٹن مورخہ 03 جولائی 2024

یوہ آکا شوانی جموں ہے محمد مبارک ماہر تیں خبر سٹو۔

Hathras

اُتر پردیش غا ضلع ہتراس مانہہ اک مذہبی مجلس مانہہ اک افراتفری مانہہ مرن آلاں غی گنتری 116 تک پُج گئی ہے۔ یاه افراتفری گذشتہ روز سکندرا راؤ تحصیل غا گراں پُہلہاری مانہہ مذہبی پرچارک بھوے بابا غا ست سنگ ور ہوئی۔ اُتر پردیش غا چیف سیکریٹری منوج کمار سنگھ نے دسیو ہے کہ ہُن تک 72 لاشاں غی شناخت ہو چکی ہے۔ وزیر اعلیٰ یوگی آدتیہ ناتھ نے واقعہ غی مکمل تحقیقات غو حکم دتو ہے کہ اس حادثہ غی بنیادی وجوہات غو پتو لا یو جائے اور مستقبل مانہہ ایسا واقعہ غی روک تھام کی جائے۔ آگرہ زون غا اے ڈی جی غی زیر صدارت اس معاملہ غی تحقیقات با رے اعلیٰ سطحی کمیٹی تشکیل دتی گئی۔ جہیڑی 24 گھنٹاں غے اندر اپنی رپورٹ پیش کرے گی۔ مذکورہ واقعہ ور صدر جمہوریہ، نائب صدر جمہوریہ تے وزیر اعظم نے ٹونگا ڈکھ غو اظہار کیو ہے۔ صدر جمہوریہ دروپدی مرمو نے کہیو کہ اس واقعہ مانہہ خواتین تے بچاں سمیت دوجا عقیدت منداں غی موت دل نانہہ بلان آلی ہے۔ وزیر اعظم نریندرمو دی نے اس افسوس نال واقعہ ور اُتر پردیش غا وزیر اعلیٰ یوگی آدتیہ ناتھ سنگ گل کی اور ہر مرن آلاں لواحقین نانہہ وزیر اعظم غا قومی امدادی فنڈ وچوں 2/2 لکھ روپیا امدادی طور دین غو اعلان کیو ہے جد کہ زخمیاں نانہہ 50/50 ہزار روپیہ دتا جائیں گا۔ وزیر اعلیٰ یوگی آدتیہ ناتھ نے وی مرن آلاں غا اہل خانہ نانہہ 2/2 لکھ روپیا امدادی رقم اور زخمیاں نانہہ 50/50 ہزار روپیہ دین غو اعلان کیو ہے۔

PM LoP

گذشتہ روز وزیر اعظم نریندرمو دی نے پارلیمنٹ غا دوہاں ایواناں غا سانجھا اجلاس مانہہ صدر جمہوریہ دروپدی مرمو غا خطاب ور شکر یہ غی تحریک ور جواب دیتاں واں کہیو کہ حزب اختلاف غا قائد راہل گا ندھی ایوان نانہہ اگنیویر تے کہتوں کہٹ امدادی ترکھاں غا معاملہ ور گمراہ کر رہیا ہیں۔ وزیر اعظم نے یوہ وی کہیو کہ کانگریس نے لوک سبھا انتخابات مانہہ آئین تے تخصاں با رے وی لوکاں مانہہ غلط معلومات پھیلائیں تھیں اور الزام لاتاں واں کہیو کہ کانگریس اپنی معاشی پالیسیاں اور تفرقہ انگیز سیا ست سنگ انتشار پھیلا رہی ہے۔ اُن نے کہیو کہ یوہ اک سنگین مسئلو ہے کہ اک خاص برادری غے خلاف جھوٹاں الزامات لان غی سازش رچی جا رہی ہے۔ کانگریس نانہہ خبردار کرتاں واں وزیر اعظم نریندرمو دی نے کہیو کہ اس غا ماحولیاتی نظام نانہہ اُن غی سازشاں غو منہ توڑ جواب دتو جائے گا۔ اس تیں پہلاں کانگریس غا رکن پارلیمنٹ پرمود تیواری نے الزام لاتاں واں کہیو کہ ملک مانہہ مہنگائی نانہہ روکن با رے کوئی قدم نہیں چایو گیو۔ اور صدر جمہوریہ غا خطاب مانہہ منی پور بدامنی غو وی کوئی ذکر نہیں تھو۔

LS Sine Die

لوک سبھا کل غیر معینہ مدت واسطے ملتوی کر دتو تھو۔ ایوان زیریں نے صدر جمہوریہ دروپدی مرمو غا دوہاں ایواناں غا سانجھا اجلاس سنگ خطاب ور شکر یہ غی تحریک منظور کرن تیں بعد۔ لوک سبھا اسپیکر اوم برلا نے اس سلسلہ مانہہ اک اعلان کیو۔ اسپیکر موصوف نے کہیو کہ اجلاس غے دوران لوک سبھا نے 103 فیصدی کم کاج درج کیو ہے۔

اُن نے کہیو کہ اس اجلاس مانہہ گُل 539 ارکان نے حلف لیو ہے۔ لوک سبھا غو اجلاس جہیڑو پچھلا مہینہ غی 24 تاریخ نانہہ بلايو گيو تھو اج اختتام ہو رہيو ہے۔

PM NEET

وزیر اعظم نریندر مو دی نے لوک سبھا نانہہ یقین دوايو کہ سرکار پیپر لیک معاملہ ور بہت سنجیدہ ہے اور قصورواراں نانہہ بخشيو نہیں جائیگو۔ اُن نے کہیو کہ اس ضمن مانہہ جنگی بنیا داں ور ضروری اقدامات کیا جا رہیا ہیں۔ پارلیمان غا دوہاں ایواناں غا سانجھا اجلاس مانہہ صدر جمہوریہ غا خطاب ور شکر یہ غی تحریک غو جواب دیتاں واں وزیر اعظم نریندر مو دی نے کہیو کہ نیٹ امتحان غا معاملہ ور مُلک پھر مانہہ گرفتاری عمل مانہہ آتی گئی ہیں اور اس عمل نانہہ شفاف بنان با رے تمام ضروری اقدامات کیا جا رہیا ہیں۔ اُن نے دسیو کہ سرکار اس قسم غی لعنت سنگ نمڑن واسطے پہلاں ہی اک مضبوط قانون بنا چکی ہے۔

PM Rajya Sabha

وزیر اعظم نریندر مو دی اج راجیہ سبھا مانہہ صدر غا خطاب ور شکر یہ غی تحریک غو جواب دیں گا۔ گذشتہ روز لوک سبھا مانہہ صدر غا خطاب ور ہون آلی بحث غا جواب مانہہ وزیر اعظم نے کہیو کہ اُن غی سرکار واسطے تیجی مسلسل معیاد تا ریخی رفتار اور تسلسل غو اک منشور ہے۔ اُن نے اس عزم گو اظہار کیو کہ اُن غی انتظامیہ اگلا 5 بہراں مانہہ 3 گناہ رفتار سنگ کم کرے گی۔ اور بھارت نانہہ ترقی غی اول صف مانہہ لے جائے گی۔ تے نال ہی 2047 تک وکست بھارت غا عزم نانہہ پوراں کرے گی۔

Amarnath Yatra

پو تر شری امرناتھ جی گُفہ واسطے 52 تہاڑاں ور مشتمل لمی سالانہ یا ترا سونی طرح چل رہی ہے۔ اور اس بہرے یاہ سارا پچھلا درج ریکارڈ توڑے گی۔ ذریعے غو کہنو ہے جے پچھلا 4 تہاڑاں مانہہ جد تیں یا ترا شروع ہوئی ہے مذکورہ ستھان ور حاضری دین آلا یا تریاں غی گنتری 74 ہزار تیں اُوپر ہو گئی ہے۔ گذشتہ روز 22 ہزار 7 سو 15 یا تریاں نے مذکورہ مذہبی مقام ور حاضری دتی۔ حُکام غا اعدادو شمار غے مطابق پہلا 4 تہاڑاں مانہہ گُفہ غا درشن کرن آلا عقیدت منداں غی گُل گنتری ہُن تک 74 ہزار 6 سو 96 ہو گئی ہے۔ امرناتھ یا ترا غو آغاز پچھلے با ریں دوہاں روایتی رستاں غے ذریعے ہوؤ۔ جس مانہہ انت ناگ ننوان پہلگام غو 48 کلو میٹر تے گا ندربل بالتال غو 14 کلو میٹر رستو شامل ہے۔ پچھلے سال مذکورہ گُفہ ور 4 لکھ 50 ہزار تیں متا یا تریاں نے حاضری دتی تھی۔ اج مذکورہ گُفہ غی یا ترا غا سلسلہ مانہہ جموں تیں تگڑا حفاظتی بندوبست مانہہ 2 سو 38 گڈیاں ور مشتمل 5 ہزار 7 سو 25 یا تریاں غو تازو جتھو روانہ ہوؤ ہے۔

Teachers Award

وزارتِ تعلیم نے قومی اساتذہ اعزاز 2024 واسطے اہل استادان کولوں خود نامزدگی بارے ریخ رواں استدعا طلب کی ہے۔ اس ضمن مانہہ اُن لائن نامزدگی حاصل کرن غی آخری تا مہینہ غی 15 مئی گئی ہے۔ وزارت نے دسیو ہے کہ مذکورہ اعزازاں واسطے گُل 50 استادان غو انتخاب مرحلہ وار ضلعی، ریاستی تے قومی سطح ور کیو جائے گو۔ یہ اعزاز صدر جمہوریہ درویدی مُرمو نویں دہلی مانہہ 5 ستمبر 2024 نانہہ یوم اساتذہ غا موقع ور دیں گی۔ اس ضمن مانہہ اہل استاد اپنی نامزدگی وزارت غا پورٹل

www.nationalawardstoteachers.education.gov.in

ور بهیج سکیں۔
